

Headline **Diskriminasi pesakit Aids jadi topik perbincangan**  
Date **02 Dec 2009**  
MediaTitle **Berita Harian**  
Section **Hip**  
Journalist **N/A**  
Frequency **Daily**  
Circ / Read **192,917 / 1,521,000**

Language **Malay**  
Page No **23**  
Article Size **100 cm<sup>2</sup>**  
Color **Black/white**  
ADValue **1,364**  
PRValue **4,091**



## Diskriminasi pesakit Aids jadi topik perbincangan

**D**ISKRIMINASI terhadap pesakit HIV/Aids hingga memberi kesan pengabaian hak asasi manusia dan khidmat rawatan sewajarnya adalah antara perkara akan dibincangkan pada sidang Kemuncak HIV Intersivity di Universiti Monash, Kampus Sunway, mulai 10 hingga 12 Disember ini.

Pegawai Komunikasi & Media, Majlis Aids Malaysia (Mac), Aiza Akma Ramlan, berkata persidangan bertema *Akses Universal dan Hak Asasi Manusia* itu julung kali dianjurkan dengan kerjasama Monash University Medicos Society serta mendapat sokongan Kementerian Kesihatan.

Beliau berkata, pendedahan senario semasa berkaitan penyakit itu diharap dapat mendorong pelajar institusi pengajian

tinggi supaya aktif memberi sokongan sewajarnya terhadap pesakit HIV/Aids.

Katanya, antara aktiviti dirancang sempena sidang tiga hari itu ialah lawatan ke Hospis HIV/Aids di Batu Arang, Rawang; bengkel dan perkongsian sudut pandangan.

"Setiap hari, lebih 10 kes baru rakyat Malaysia dikesan HIV positif dan ia memberi kesan terhadap tahap kesihatan dan pembangunan sosioekonomi negara.

"Generasi muda perlu diberi pendedahan sewajarnya agar mereka memahami situasi sebenar, impak jangkitan serta stigma dialami pesakit HIV/Aids.

"Diharap peserta persidangan ini dapat menimba banyak pengetahuan dan memperbetulkan persepsi mengenai pesakit HIV/Aids," katanya dalam satu kenyataan.